

Ny Valosoa sy Hadihady  
Resin'i Kaomôro isika noho ny fitondran-dry Rajoelina

3

# NY VALOSOA

Gazety misheo intelo isan-kerinandro  
(Talata - Alakamisy - Sabotsy)

## VAO VAO

Talata 12 jolay 2022

Laharana 1318

Vidiny : 500 Ar

Angôvo

Niakatra 44% eo  
ny gazoala sy ny lasantsy



Fitondrana Rajoelina

Tsy manome hasina  
ny mpampianatra



Valanaretina covid-19  
Nanome fatrana vaksiny fanampiny  
1 hetsy mahery ny Amerikana

4

Zon'olombelona  
Nitohy tany Moramanga  
ny Diabe

4

Fidangan'ny vidim-piaianana  
Tsy zakan'ny fahefä-mividin'ny sarambabem-bahoaka intsony

2

Faritra Menabe

Vaky tanteraka ny ady  
amin'ireo ministra  
nifandimby toerana

[www.gvalosoa.com](http://www.gvalosoa.com)

[gvalosoa@yahoo.com](mailto:gvalosoa@yahoo.com)

facebook : gazety valosoa rakoto

7

Fitondrana Rajoelina


Miharihary indray  
ny tsy fahombiazany



3

Mpitrandraka volamena nanota fady

Niraikitra rehefa nanao  
firaisansana tao anaty lavaka



Daka kely



Tsy any Sri-Lanka ihany, fa mandady  
koa ny trumbo ho an'ialahy isany  
ry Boaikely a !

## FIDANGAN'NY VIDIM-PIAINANA

## Tsy zakan'ny fahefa-mividin'ny sarambabem-bahoaka intsony

Nisongadina nandritry ny tatitra nataon'ny solombavambahoaka voafidy teny Atsimondrano, Alain Ratsimbazafy, fa hanavotra an'i Madagasikara no tanjon'ny antoko Tim. Ny tombontsoam-pirenena no mila arovana hoy izy, ka hanamafy ny fototra, miainga eny anivon'ny fokontany ny antoko Tim manomboka izao ary vonona hiatika izay fididianana mifanesy eto amin'ny firenena izay ihany koa. Voaporofa izany nandritra ny fanamarihana ny faha-20 taonan'ny antoko Tim teny amin'ny kianjan'ny Finoana Behoririka farany teo. Nasiany resaka ihany koa ny fanamarinana ny lisi-pididianana miainga eny anivon'ny fokontany, satria ny resaka lisi-pididianana no fototry ny olana teto amitsika ka niteraka ireny « doublons » ireny, tamin'ny fididianana filoham-pirenena farany teo. Momba ny fandianana ny tetibolam-panjakana nasiham-panitsiana teny anivon'ny Antenimierampirenena dia nilaza izy, fotsy nankasitraka io ny antoko Tim, fa noterena nolaniana fotsiny tao anatin'ny fotoana fohy izy io. Tokony ho tonga 30 andro mialoha mantsy izy io, nefo dia zara raha nisy 3 andro monja ny nandaniana azy. Momba ny fanampiana ny Jirama dia nilaza ity solombavambahoaka ity, fa goavana loatra ny fanampiana ny Jirama, izay 380 miliara Ar be izao teo aloha, nefo mbola nampiana 120 miliara ariary indray avy eo. Hatreto anefo dia tsy mbola voavaha ny olan'ny fahatapahanjiro sy ny fahasimban'ny fitaovana amina faritra samihafa. Toy ny rano an-damosin-gisa ny fanampiana ny



Ny depote Alain Ratsimbazafy.

Jirama hoy izy, satria ny vola tokony ho nanampiana ny fihenan'ny TVA izay alaina amin'ny solika no hamonjena azy indray. Tsy manana paik'ady mazava ny fanjakana hoy izy, ka ahiana ny fipoahana sôsiyal eto Madagasikara, raha tsy voafehy ny fidangan'ny vidim-plainana, izay tsy zakan'ny fahefa-mividin'ny vahoaka malagasy intsony ankehitriny, ka rehefa tsy mahavaha olana ny fitondrana dia mety aminy ny mameatra-piana aloha, hoy ihany ity olom-boafidy ity.

Rajo

CFM faritany Antananarivo

## Misorka adim-poko ny fandalana ny tena fihavanana Malagasy



Ny filoha lefity ny CFM Antananarivo.

Miisa 3 ireo trangana fandiranana mivoy adim-poko manerana ny Nosy tao anatin'ny herinandro ary tokony ho samy ho tonga saina ny olom-pirenena, fa misy andian'olona mitady hivoy an'izany momba hampifandrafesana ny mpiray tanindrazana hoy Andriamatoa Rama-mimampionona Gerard, filoha lefity ny CFM faritany Antananarivo. Nilaza ity tompon'andraikitra ity, fa tokony hamerina hamantatra ny atao hoe fihavanana Malagasy izay mampiray ny vahoaka ny olom-pirenena tsirairay avy, mandala an'izany fihavanana izany eo anivon'ny fiarahamonina, momba hisorohana ny fi-

ara-panahy, ara-piton-drana no miaro ny maha iray ny Malagasy, n'inona n'inona ny trangan-javatra miseho eo anivon'ny fiarahamonina. Nanohy fannazavana ny filoha lefity ny CFM, fa alohan'ny hanapa-kevitra dia tokony ho fantarina mialoha ny zava-misy marina manoloana ny disadisa misy ary tsy tokony ho entimpoo rehefa matrika olana, momba hisorohana amin'ny fanitaran-javatra, ka hifara amin'ny fifandonana ho an'ny olona manandrahara. Ankoatra izany, nilaza ity tompon'ndraikitra ao amin'ny CFM ity, fa tokony hifampsinsio sy hifanampy ny mpiara-belona, amin'ny

fandalana ny fahamariana, mba hahafahan'ny rehetra miara-miaina eo anivon'ny fiarahamonina ary tokony hanabe ny olona, mba tsy hifanililikili sy hisetraseta amin'ny namany avy ny mpiara-belona, mba hisian'ny fifandraisana. Miezaka manao fidinana ifotony any amin'ny faritra ny CFM miaraka amin'ireo manam-pahefana isan' ambaratongany, mamatatratra ny zavamisy sy mitady vahaolana manoloana ny trangana fifandiranana eo amin'ny samy foko, satria fahavalom-pirenena ny fampisarahana foko eto Madagasikara.

Franck Razakambelo

Fiainam-pirenena

## Miharihary indray ny tsy fahombiazan'ny fitondrana Rajoelina

Ny zava-misy nanomboka omaly maraina dia maneho mazava tanteraka, ny tsy fahombiazan'izao fitondrana Rajoelina izao mitantana firenena. Nisavororo ny saim-bahoaka mandre ny dontandroka nataon'ny mpitaittra amin'ny fiakaran'ny vidin-tsoli. Nisy ireo mpitaittra avy dia nampakatra avy hatrany ny sarandala ny omaly maraina. Tany amin'ireo mpandeha tsy nanampo n'inona n'inona hiainga avy any an-tranony, no ni-faharan'ny mpitaittra hamenoana ny vidin'ny so-liko. Nisy araka izany tamin'ny toerana sasany nahitana mpandeha niverina nody mihitsy vokatrizany. Saika tamin'ny lalana mandalo toerana

mpaninjara solika ihany koa nanomboka omaly maraina dia nisy fitohana, noho ireo flara na madinika an'olon-tsotra, kodiari-droa na môtô, indrindra ny fitateram-bahoaka na taxibe nitandahatra naka sy nameno ny fitehirizan-tsoli ny fiarany.

Ankoatra izany rehetra izany, nisavororo sy niahayahy fatratra ny besimaro ny amin'ny fiakarana hidangana amin'ny vidin-javatra fanjifa andavanandro, ny sakafy sy ny zavatra tsy maintsy ilaina samihafa eo amin'ny fiafiana, sy hatrany amin'ny lafim-piainana rehetra. Mahakivy ny olom-pirenena sarambabem-bahoaka ny zava-misy iainana ankehitriny, fa ho

fefika tanteraka ny fiafiana ary vao mainka hitsoka lalina hatrany izay efa tena mafy noho ny teo aloha ny fahantany. Hibaribary manomboka izao, ny maha fadiranovana ny sarambabem-bahoaka Malagasy, izay tsy nahitan'izao fitondrana Rajoelina izao vahaolana fanatsarana, hatramin'ny nahateo amin'ny fitondrana azy izay.

Izao fitondrana izao dia tsy mahay mahatsapa tena ho diso mihitsy amin'ny fomba fitondrany diso lalana, fa manilika hatrany ny andraikitra amin'ny hafa, indrindra amin'ireo tsy mitovy hevitra aminy sy ireo mpanohitra. Mava loatra, fa mbola hiâla bala indray toy ny fanaony amin'izao zava-

misy izao, toy ny tamin'ny valanaretina covid-19, sy ny rivodoza namely mafy nifanesy ireny izy ireo. Irahahahita tsara anefa izao, fa tsy fahajana mitondra firenena fotsiny tsotra izao, no mahatonga ny zava-misy mampahory ny vahoaka izao. Ny fositr'izany, ny fanaovana kajikajy politika fiarovan-seza sy tombontsoa manokana, no mibahaha amin'izay asa atao rehetra hatramin'izay, ary dia izao no vokany: ny vahoaka no mibaby azy. Nataony nahita ny tsy fahantany tokoa ny Malagasy. Ny mahasorena, dia tsy miahatra hatrany ireo mpisolelaka: olom-boafidy sy olom-boatendry manohana an'i Andry Rajoelina sy mitsikera, no

sady manakahala ny mpanohitra. Raha tena mahatsiaro ho tomponandrainkitra marina sy feno fahendrena aza izao fitondrana izao, dia midodododo mihazakazaka mibaboka amin'ny vahoaka sy mifona, fa tsy nahomby tamin'ny natao tsy nahay nisoroka ny olana ho avy, ka izao mijaly izao ny sarambabem-bahoaka. Efa tsy zaka intsony izy ity hoy ny maro, ka hipoaka tsy ho el amin'izay angamba sarom-bilany.

Fahendrena aza izao fitondrana izao, dia midodododo mihazakazaka mibaboka amin'ny vahoaka sy mifona, fa tsy nahomby tamin'ny natao tsy nahay nisoroka ny olana ho avy, ka izao mijaly izao ny sarambabem-bahoaka. Efa tsy zaka intsony izy ity hoy ny maro, ka hipoaka tsy ho el amin'izay angamba sarom-bilany.

Ny Valosoa sy fakafaka

Fitondrana Rajoelina  
Tsy manome hasina ny mpampianatra

Ataon'izao fitondrana Rajoelina izao, kitoatoa ny amin'ny fototra iankinan'ny fanabeazana sy fampianarana ny zaza malagasy. Ny mpampianatra no ambara amin'izany, izay mòtera fototry ny fampianarana. Niara-handre vao tsy ela izay ny fitokonan'ireo mpampianatra mpitsara ny fanadinana Bepc, izay tao anatin'ny roa taona tsy azon'izy ireo ny saran'ny fitsarana fanadinana. Ary raha tsy nisy hetsika nataon'izy ireo teo, tsikaritra ho tsy taitra niezaka namaha olana ny tomponandrainkitra misahana izany. Fa nahoana no atao an-tsirambina toy izany ny momba azy ireo, izay toe-javatra miverimberina lava hatrany tsy mety hifarana? Midika ho tsy fahazan-draharaha koa izany.

Ireny fihetsika ataon'ny mpampianatra ireny anefo dia misy fiantraikany amin'ny fampianarana, na amin'ny fanadinam-panjakana sy amin'ny fitsarana. Efa tantara mipetraka eo amin'ny sehatry ny fampianarana ny an-tsirambina nataon'izao fitondrana izao tamin'ny resa-panadinana tamin'ny taona voalohany naha teo amin'ny toerana azy. Tamin'izao fitondrana izao no nisiana fanadinana amin'efitrano maizina; ny fisian'ny mpampianatra avy nitsara fandina milahatra sy mifanesika amin'ny fandrasam-bola; ny mpampianatra mpikaroka sy mpikaroka mpampianatra asaina milahatra eny amin'ny paositra maka vola, sns...

Very hasina tanteraka ilay mpampianatra, hany ka misy fiantraikany hatrany amin'ny fataizana sy fanebeazana ny zanaka malagasy izany. Ilay fitondrana-Rajoelina mihitsy no fototr'izany, ary tsy hita izay fiherverana ny amin'ny famerenan-kasina azy ireo, fa raha misy aza alasafay fotsiny ihany. Indraindray aza ilay mpampianatra atao fiaovana politika amin'ny fotoan-dehibe amin'ny sehatra fitokanajavatra, na resaka lanonana samihafa anaovan'ny fitondrana kajy politika. Lalaovina ao anatin'izay ihany koa ny mpianatra, indrindra ireo kilonga madinika any amin'ny ambaratonga fototra. Tena hadisoam-pitantanana firenena anefo izany, satria iankinan'ny hoavin'ny firenena no voakasika akaiky amin'izany, ary tsy maintsy misy fiantraikany eo amin'ny fiafianan'izy ireo izany.

Mikorosy ny lentam-panabeazana tato anatin'ny taona maromaro farany izao teto amin'ny firenena. Tsy hita soritra mazava mihitsy anefo izay ezaka ataon'ny fitondrana hanarenana izany. Zary famitana asa fampandehanan-draharaha no mibahaha, fa ny famahana ny olana fototra tsy mipetraka. Mandrapahatongan'ny fotoana hahatongavana amin'izany anefo, raha hisy, mpampianatra marobe no lasibatra mitondra faisana, ary mpianatra aman'alinkisa no ihâran'ny fanabeazana "tsizarizary", izay misy fiantraikany any amin'ny fiafianam-piaraha-monina, sy ny firenena ihany koa izany, noho ny ataon'ny fitondrana ihany.

Sôh'son



Fitokonan'ny mpitatitra tany Ihosy, noho ny tsy fahazakany ny vidin-tsoli.

Sady manakahala ny mpanohitra. Raha tena mahatsiaro ho tomponandrainkitra marina sy feno fahendrena aza izao fitondrana izao, dia midodododo mihazakazaka mibaboka amin'ny vahoaka sy mifona, fa tsy nahomby tamin'ny natao tsy nahay nisoroka ny olana ho avy, ka izao mijaly izao ny sarambabem-bahoaka. Efa tsy zaka intsony izy ity hoy ny maro, ka hipoaka tsy ho el amin'izay angamba sarom-bilany.

Sôh'son

## Ny Valosoa sy hadihady

## Resin'i Kaomôro isika noho ny fitondran-dry Rajoelina

**N**y 06 Jolay 1975 no nahazo fahaleovantenany ny Nosy Kaomôro, iray amin'ireo nosy aty amin'ny Ranomasimbe Indianina, mpifanolobodirindrina amintsika malagasy.

Samy zanatany frantsay i Madagasikara sy Kaomôro, saingy nahazo fahaleovantenana 15 taona talohan'ny kaomoriana isika malagasy.

Misy ny fifamatorana eo amintsika malagasy sy ry zareo kaomoriana, satria ny faritra avaratra sy andrefan'ny nosintsika dia ahitana teratany kaomoriana mila ravin'ahitra, tsy vitsy izy ireo no nianatra tao amin'ny Lycee tao Mahajanga sy Antsiranana, maro koa ireo nandranto fianarana tany amin'ireo Universite teto amintsika, ny Akademia Miaramilia any Antsirabe ihany koa dia nampiofana manamboninahitra kaomoriana marobe. Raha teo amin'ny asa fivelomana, dia mpiandry tanana na "gardien" no nahafatarana ireo kaomoriana mpila ravinahitra, ankoatr'izany dia manavanana azy ireo ny fivarotana masikita.

Azo lazaina ho tratra aoriana ry zareo raha nitaha tamintsika malagasy tany aloha tany satria tsy ampy teknisiana, ka tsy vitsy ireo malagasy no lasa niasa tany amin-dry zareo, ary nohajain'izy ireo fatratra ny manampahaizana malagasy.

Nisondrotra tsikelikely tao i Kaomôro, fa isika malagasy vokatry ny nataon'Ingahy Filoha Rajoelina amin'izao fotoana izao sy ny forongony, nanomboka

tamin'ny taona 2009 dia tsy nitsaha-nitotongana ny eto amintsika, ny tena nampisitribelona aza, dia tsy tahotra tsy henatra Ingahy filoha nilaza ampahibemaso, fa tsy mila ireo mpamatsy vola mahazatra hono, fa rehefa izy no tonga eo amin'ny fitondrana dia isika malagasy indray no hampindrana vola an'i Kaomôro, nefo inona no teo fa reraka tanteraka isika amin'ny lafiny rehetra. Tamin'ny rivo-doza farany teo aza dia ny fitondrana kaomoriana indray no nanome fanampiana antsika.

Teo amin'ny lafiny baolina kitra dia nataontsika fakana isa ny ekipampirenena kaomoriana fahiny, saingy rehefa nitsabahan-dRajoelina sy ny ekipany ny fitantana ny baolina kitra eto amintsika, dia resy lava ny "Barean'i Madagasikara", fa ny mpilalao kaomoriana izay nohambanimbanian'ny sasany tamintsika dia tafta nanao "Can", ary tsy nampitsanga-menatra ny Ranomasimbe Indianina.

Azo itarafana ny fandrosoan'ny firenena ny lafiny fangananjantena, izay mampibaribary fa ilaozan'i Kaomôro isika malagasy amin'ny lafiny fandrosoana, ka raha mbola Ingahy Rajoelina sy ny mitovitovy aminy no mpitondra eto amintsika, dia azo antoka fa ho maro ireo teratany malagasy ho lasa "gardien" sy hivarotra masikita any kaomôro. Ho an-dry Rajoelina sy ny forongony, ny vava tokoa no tsy atao be, ny mamerina azy no tsy laitra!

**Ny Valosoa**

## FARITRA MENABE

## Vaky tanteraka ny ady amin'ireo ministra nifandimby toerana

Vaky tanteraka ny ady eo amin'ny minisitry ny tanora sy ny fanatanjantena teo aloha Andriamatoa Hawel sy Tinoka Roberto, izay nandimby azy. Raha tsiahivina ny tantara dia vao voatendry ny minisitra teo aloha ary mbola tsy vita ny famidram-pitananana dia efa noendahan'ny minisitra teo aloha avokoa ny tombontsoany tany amin'ny minisitra Tinoka Roberto, toy ny fiara sy ny sisa, ka tezitra noho izany ity farany, ka nandrava ny fiavanana nisy teo amin'ny roa tonta. Nanomboka teo dia nangatsiaka ny fiavanana teo amin'ireto minisitra zanak'i Menabe ireto ary efa tonga any amin'ireo ekipan'ny andaniny sy ankilany izany, ka vaky ny ady eo amin'ny samy Mapar ao Menabe, tsy vitan'izay fa ireo olom-boatendry izay napetraky ny minisitra teo aloha dia alân'ny mnisitra vaovao avokoa ary efa tonga hatrany amin'ny mpiasa ao amin'ny faritra izay maro no nampidirin'ny minisitra teo aloha tao no voaroaka tato ho ato nandritra ny fandalovan'ny minisitra Roberto taty Morondava. Miezaka mametraka ireo olony ingahy minisitra amin'izao, ka izay tsy mitovy firehana aminy sy tsy manao politika dia alana avokoa ireo talem-paritra. Maro ireo anaran'ny talem-paritra izay efa miparitaka fa ho esorina raha ny zava-misy nefo dia tsy



**Ny famindram-pahefana teo amin'ny Ministra Hawel sy Roberto tam'in'izany fotoana.**

manana olona izy ireo, ka ahiana ny fametrahan'olona petatoko amin'ireny fitaleavam-paritra ireny. Hatreto dia maro ny toe-rana mbola banga ato Menabe noho izay tsy fananan'ny Mapar olona azony antoka izay, toy ny Prefektioran'i Morondava izao dia sady tsy manana lefitra no tsy manana SG, ka raha misy fotoana tsy ao antoerana izy dia voatery manafatra ny lehiben'ny distrikan'i Mahabo hanao ny asany vonjimaika, saingy rehefa samy tsy eo izy ireo dia eo no raisina. Sampandraraham-panja-

kana maro manerana an'i Menabe no trtran'izany ny kaominina ambonivohitr'i Morondava, izay renivohitry ny faritra Menabe aza moa tsy misy ben'ny Tanana lanimba-hoaka sady tsy misy mpaholotsaina, hany ka mihtsoka avokoa ny asa ilana deliberation, satria dia ben'ny Tanana mpisolo toerana no ao raha tokony naverina ny fidifidana ben'ny Tanana tao Morondava, araka ny didy izay navoakan'ny fitsarana tam'in'izany dia mbo-la tsy tanteraka hatrani'zao. Izany rehetra izany anefo

tsy misy mijery, fa toa varihana miady an-trano ireo mpitondra samy Mapar ao Menabe ary efa miezaka mafy ny manao ny kajikajy ny mba hahazoan'ny Tgv fandresena ato Menabe izay nofy izany, satria teo ary mbola tsy nampitondra mangidy azy ny filoha Andry Rajoelina tsy naharesy ny filoha Marc Ravalomanana tato Menabe, koa mainka fa ny olona izay efa mitaraina amin'ny ataon'izao fitondrana izao, ho sahirana izy ireo any Menabe.

**Rajepa**

Randriamanalintsoa Ihajason

**Mitohy ny asa fampandrosoana an'Ambohitrimanjaka**



**Randriamanalintsoa Ihajason, ben'ny tananana' Ambohitrimanjaka.**

Nisongadina nandritry ny tatity ny asa vita teo anivon'ny kaominina Ambohitrimanjaka, distrikan' Ambohidratrimo ny sehatry ny sôsialy toy ny fanatsarana sekoly, lâlana Rip29 mirefy 3 km eny Ampanomahitsy, fanamboarana tatadrano, fanamboarana tohodrano na taboaka mamatsy ny tanimbary, fanamboaran-dâlana mirefy 20 km tamina fokontany 25 mandrafitra ny kao-minina, niarahana tamin'ny faritra Analamanga. Ankoatr'ireo ny didimpotra faobe, ny fanambadiana faobe miisa 37 tamin'ny fokontany 7 ary ny kôpia faobe miisa 270 ihany koa. Ankoatr'izay dia nambaran'ny ben'ny tanana Ihajason Randriamanalintsoa, voafidy tamin'ny anaran'ny antoko TIM ihany koa, fa sekoly 4 tamin'ireo 14 no vita ary kasaina ho vitaina amin'ity emibolana faharoa ity ny ambiny. Marisika ihany koa ny olona amin'ny fampidiran-ketra ankehitriny, satria ny vola miditra no hananganana fotodrafir'asa na fanamboarana samihafa eny anivon'ny kaominina. Tsy hadinon'ny ben'ny tanana ihany koa ny njery ny tontolon'ny fanta-tanjantena sy ny fanofanana ireo « quartier mobile » hanamafy ny ady amin'ny tsy fandriampahalemana eny anivon'ny faritra. Mitohy ny asa hoy ny ben'ny tanana ary tanjona ny fampandrosoana miaraka amin'ny mponina, mba ho loha-laharana hatrany eo amin'ny sehatry ny fampandrosoana ifotony ny kaominina Ambohitrimanjaka.

**Rajo**

**TONONKALO****Ho an'ny ekipan'ny tsy misy kalitao**

Eto dia ny tsy mahomby hatrany no be vava, Na dia efa voaporofa fa sokajin'ny mpandrava. Olon-tonga tampotampoka fa tsy nisy fiomanana, Hany ka miseho hatrany ilay atao hoe "havendranana"!

Tsy ao anatin'y mihitsy izany hoe fahamatorana. Lalam-poza hatrany hatrany no tereny mba hizorana. Tsapatsapa sy andranandrana , izany foana no mibohana, Ary dia vao mainka loza fa laroiny fidedahana !

Tsy indroa na hoe intelo no niteniteny foana, Sady izay ny hoerahoera no andaniany ny fotoana. Kajy an-kandrina tsy vitany , hany ka mampalahelo. (Toy ny zaza vao hisondrotra mba ho taona fahatelo!)

Tenin-drazana tsy hainy , mampisento , mampandositra. (Ahoana moa no hikasana ny hampanarako omby vositra ?) Toa tsy fantany ny hevity ny atao hoe velirano, Ka izao ny firenena no indro fa mahita angano !

Eto dia ny tsy mahomby hatrany hatrany no mirehaka . Lalina ny sekosekony hitadiavana mpitrehaka ! (Saingy misy ihany anefa tehatraka tsy miato, Mba hoenti-manakora sy ho solon-torabato ! )

...Ka dia `zao no hafatrafatra ry tsy misy fahombiazana: Tsara ho anareo ny miala f'efa miaiky ny mpitazana. Tsy ny eto irey ihany f'efa izao tontolo izao No miara-miaiky f'ianareo dia tena tsisy kalitao !

## KAOMININA ABOALIMENA

## Niravina ny disadisam-piarahamonina

**N**y 05 jolay 2022 lasa teo dia lanonana roa miavaka tsara no notanterahina tao antampon-tanànan'ny kao-minina ambanivohitra Aboalimena, distrikan'i Belo/Tsiribihina faritra Menabe dia ny fitokanana ny biraon'ny Kaominina vao-vao, izay notontosaina ny tapany maraina ary natao teo ambany fiahian'ny lehiben'ny distrika Belo/Tsiribihina, notronin'ireo mpikambana tao amin'ny OMC, sy ireo Ben'ny tanàna rehetra mandrafitra ny distrikan'i Belo/Tsiribihina. Tonga nanome voninahitra izany ihany koa ny Solombavambahoaka voafidy tao an-toerana. Ny folakandro kosa no nananterahana ny famerenana indray ny filaminana sy fandriampahalemana maharitra: ho famiharana hatrany ny "Ta-

gnamaron'ny Fandriampahalemana" dia nisy ny fihaonana mivantana teo amin'ny vahoakan'i Aboalimena sy ireo mpikambana teo anivon'ny OMC Belo/Tsiribihina. Tsapa araka izany ny fahavonanan'ny tsirairay hifanome tanana amin'ny famerenana indray ny filaminana sy ny fandriampahalemena ao anatin'ny kao-minina Aboalimena. Satria dia voasolotena tao avoka ireo fokontany valo (08) mandrafitra ity kao-minina ity, ankoatry ny hamaroan'izy ireo. Nandritra io fotoana io ihany koa no nanambarana sy nanehoana, fa niravona ny disadisa nisy teo amin'ny fokontany Aboalimena Atsimo sy Avaratra, ka natsangana ny Kalony ary hiasa, mba ho tombontsoan'ny be sy ny maro. Ho tohin'ny teny ni-

fanomezana nandritra ny fanentanana "TAFA" natao tamin'ny 16 jona 2022 tao Aboalimena hatrany dia natao ihany koa ny fampihavanana an'Ankaivo sy Beraba, izay samy ao amin'ny kao-minina Andimaky Manambolo. Ireto farany dia tanàna mpifanila ary tena natahoran'Aboalimena fattratra. Araka ny fantatra mantsy dia izy roa ireto no voalaza ho isan'ny tsy maha tafandry fahalemana iny faritra iny. Niravona araka izany ny disadisa sy ny olana, ka niseho teo imason'ny vahoaka izy ireo haneho ny fahavonony hiray dia sy hifanome tanana amin'ny vahoakan'Aboalimena, ny amin'ny famerenana sy ny ady atao amin'ny tsy fandriampahalemena amin'ny endriny rehetra.

Rajepa

## Zon'olombelona

## Nitohy tany Moramanga ny Diabe



Nitohy tany Moramanga faritra Alaotra Mangoro omaly, ny Diaben'ny Zon'olombelona. Tao amin'ny Lapan'ny Tanàna tany antoerana no nanaovana ny hetsika, raha niainga avy taty Antananarivo nihazo an'i Manjakandriana izany nanomboka ny zoma teo. Diaben'ny Zon'olombelona na « Caravane des droits humains » andiany voalohany, no anarana nampisalorana ity hetsika, ho fanentanana amin'ny fiarovana ny zon'olombe-

ny zon'ireo sokajin'olona marefo. Tao koa ny fandraisana ny fitarinana, sy ny fanomezana torolàlanà mahakasika ireo tranga mety tsy ho fanjana, na fanitsakitsahina ny zon'olombelona.

Nandritra sy mandritra ny diabe dia misy hatrany ny fijerena ny tontolon'ny fonja, sy ireo voafonja ary ireo toeram-pitazonana olona hiatrica famotorana, mba hisorohana ny mety ho trangana herisetra.

Stefa

Iona. Mpikarakara ny het-sika ny Vaomieram-pirenena Mahaleotena misaha ny Zon'olombelona na ny CNIDH. Manamarike izao diabe izao ny fampahafantarana sy fanentanana ny rehetra mahakasika ny zo fotora sy

## Valanaretina covid-19

## Nanome fatrana vaksiny fanampiny 1 hetsy mahery ny Amerikana



Vaksiny, anisan'ny nomen'ny Amerikana.

Ady amin'ny valanaretina coronavirus, izay mbola mamely amin'izao fotoana, nanome fatrana vaksiny fanampiny miisa 1 hetsy mahery ho antisika ny Amerikana. Vaksiny fanampiny Pfizer mihoatra ny 100000, iadiana amin'ny Covid-19, no tonga teto Madagaskara tamin'ny alalan'ny mekanisma Covax ny faran'ny herinandro teo. Vola avy amin'ny governemanta Amerikana no nividianana ireo vaksiny ireo ary tafiditra anatin'ny ezaka ataon'ny fitondran'ny Filoha Joe Biden, ham-pitonboana ny tahan'ny fanaovam-baksiny iadiana amin'ny Covid-19 maneran-tany. Efa nihoatra ny 2 hetsy sy 2 tapitrisa (2200000), ny isan'ireo vaksiny nomen'i Etazonia ho an'ny vahoaka Malagasy hatramin'ny volana jolay 2021. "Mandrisika ny

vahoaka Malagasy hanararaotra ny fision'ireo vaksiny maimaimpoana, azo antoka sy mahomby ireo ny tenako," hoy ny Ambadsaoro Amerikana Claire Pierangelo. "Antoka amin'ny fandresena ity valanaretina ity sy ny fanarenana ny fiarahamonina ary ny fanomezana aina indray ny toe-karena ny fanaovam-baksiny faobe."

Niaina

## An-tsary misongadina Ny Valosoa Vaovao

Helisoa

Zazalahikely an-jatony no natao didipoitra maimaimpoana faobe teny Ambohimaranina nokarakarain'ny depiote Todisoa.



# An-tsary misongadina Ny Valosoa Vaovao

Helisoa, Isambilo, LW

Nisy ny tobin-tsolkika somary tratra aoriana kely vao nampiakatra ny vidin-tsolkany.



Manatombo 70 Ar mihoatra amin'ny vidin-tsolkika aty Antananarivo ny any Andapa faritra Sava.



Nitokona ny mpitatitra Bajaj tany Ihosy faritra Ihorombe, noho ny fiakaran'ny vidin-tsolkika izay.



Ny fandravonana ny disadisa tany Aboalimena Belo/Tsiribihina.



## MIPTRANDRAKA VOLAMENA NANOTA FADY

# Niraikitra rehefa nanao fira isana ara-nofo tao anaty lavaka

**A**raka ny vaovao voaray avy any Sahantona, any amin'ny kaominina Andohajango any amin'ny distrikan'i Mandritsara faritra Sofia, nahitana tranga maha-menatra sy mahatsikaiky nitranga tany antoerana ny faran'ny herinandro teo. Lehilahy vahiny mpirandraka volamena sy vehivavy iray nanota fady, nanao fira isana ara-nofo tao anaty lavaka fitrandrahana volamena, no niraikitra tany an-toerana. Izay ambaran'ny tompon-tany fa ota



*Ny toeram-pitrandrahana volamena any Sahantona Andohajango Mandritsara.*

fady. Raha ny loharanombavao voaray dia taraiky

tanaty lavaka izy ireo rehefa raikitra nandritra ny

alina, menatra ny hiantso vonjy. Vao maraina mangirandratsy tsy fantatra ny hatao, ka niantsoantso ireto farany, taorian'izay vao nisy nahita. Samy efa vadin'olona izy ireo, raha ny fantatra. Nentina tany Mandritsara, tsy vitan'ny mpitsabo tao ny nanala izany, ka voatery nentina tany Antsohihy. Hitrandraka volamena sy hitady vola no naha arak'izany, nefahafaham-baraka no hita ho azy roa niraikitra ireto.

**Stefy**

Dr Bariniaina Fidy

## Manamaivana ny adin-tsaina ny fitoniana rehefa miatrika olana



*Dr Bariniaina Fidy.*

nenjika fotoana, mba hisian'ny filaminan-tsaina rehefa miatrika zavatra. Nanamafy ity mpitsabo ity, fa tokony ho tony ny olona iray rehefa maneho hevitra, fa tsy mikitakita, satria mampisondrotra ny

"Stress" ho an'ny vatan'olombelona izany ary tokony hahay mandrindra an'ireo fe-potoana hiatrehana ny asa aman-drahabaha mandritra ny tontolo andro ny olona iray, mba hisian'ny fahatonian-

tsaina. Nanamafy ny Dr Bariniaina Fidy, fa tokony hamboly toe-tsaina manaiky ny fetran'ny zavatra rehetra eto ambonin'ny tany ny olona iray, mba hisian'ny fitonian-tsaina, satria maha kizitina ny olona ny fiheverana, fa tsy maintsy mahavita zavatra lavorary eo amin'ny fiaianana foana ny olona iray, hany ka tafintohina ity farany rehefa mahita zavatra tsy mandeha amin'ny tokony ho izy. Nilaza ity mpitsabo ity, fa tokony hanaiky fa manana ny fetran'ny ihany koa ireo mpiara-belona aminao rehefa manao zavatra, satria tsy mitovy ny fabeazana azony sy ny fahalalana norantovinao. Mila manaiky fa tsy tantekra ny olona manoloana ny zavatra rehetra, raha tiana ny hiatrika ny zavamisy amin'izao fotoana izao.

**Franck Razakambelo**

Fanafihana fitoeran'entana

## Novonoina tamin'ny fomba feno habibiana ilay mpiambina sy ny sakaizany

Trano fitehirizana entana iray ao amin'ny fokontany Ambalantanga ao amin'ny kaominina ambonivohitra Morondava faritra Menabe, no nisy nanafika ny alin'ny alahady faha 10 jolay hifoha alatsinainy. Nisy nanafika, izay tsy nisy afa-tsy ny mpiambina sy ny sakaizany ihany no tao, ka novonoin'ireo olon-dratsy tamin'ny fomba feno habibiana ilay sakaizan'ilay mpiambina, satria dia feno dian'antsy ny vatany ary notapahana ny tendany. Ilay mpiambina koa dia feno dian'antsy ny vatany ary misy diam-pamaky ny lohany, izay tsara ho marihina fa manaraka fitsaboana ao amin'ny hopitaly manara-penitra ao Namahora izy izao, mbola miady amin'ny fahafatesana, noho ny ratra nahazo azy. Tsy nisy nahita mihintsy moa ny zava-niseho raha tsy ny maraina efa tamin'ny fito ora, rehefa tonga hamoaka ny entana ny tompon-trano, izay gaga nahita ny trano mbola mihidy avy aty ivelany, ka rehefa nosokafana ny trano dia akory ny hatairan'ny rehetra nahita ilay sakaizan'ny mpiambina nitsirara teo amin'ny tany noentina any amin'ny hopitaly avy hatrany ilay mpiambina izay hita fa mbola misy aina ary efa eo ampelatanan'ny mpiandro filaminana ny raharaha. Tsara ho marihina fa efa mahazatra ny mpiambina ny mitondra ny sakaizany matory ao ary vao 26 taona monja ity sakaizany ity izao maty izao.

Tsy vao izao no nisy namaky ity trano ity, fa efa nisy fo-toana koa no nisy namaky ary tamin'izay dia ny mpiambina ihany no voarohirohy tamin'ny fahavakisana, ka efa manala ny saziny any am-ponja ary izao indray dia niafara hatramin'ny ain'ilay sakaizan'ilay mpiambina izay nanolo ilay nigadra.

Mangataka tolo-tanana sy fanomezam-baovao amin'ny olona, izay manana vaovao mety hafantaranana ny na-havanona izao asa ratsy izao ny mpitandro filaminana. Tsara ho marihina, fa hatramin'izay tsy fandehanan'ny jiro amin'ny alina izay eto Morondava dia miha-mahazo vahana ny vakitrano. Na dia efa manao ezaka ihany aza ny mpitandro filaminana dia manjaka ireo mpanao ratsy noho ny haizina, satria dia tapaka amin'ny 3 ora tolakandro ny jiro, tsy miverina raha tsy maraina amin'ny fito ora.

**Rajepa**



*Tsy maty ilay mpiambina, fa tsaboina amin'ny Hopitaly any Morondava.*

Fitantanana an'i Dabara

## Tompony mangatak'atiny i Mahabo



*Ny depioten'i Mahabo.*

Manoloana ny feo izay mandeha, fa fehezin'ny amin'ny distrikan'i Mahabo faritra Menabe ny ranon'i Dabara dia mialaza ny solombavambahoaka izay voafidy tao Mahabo, fa tsy mitazona ny rano ny ao Mahabo, fa mangataka ny fametrahanana mazava ny fanaovana ny tour d'eau ary tokony hisy fiantsoana ireo kaominina voaka-sik'io ranon'i Dabara io, fa tsy izay tian'ny mpiton-dra avy any Morondava atao ny atao eny, fa tonga hatramin'ny fanenjehana ny solombavambahoaka, izay manao ny asany mitondra ny tarainan'ny vaoaka mahakasika ny fizarana ny ranon'i Dabara

fivavahana izay tokony handamina dia lasa manenjika ny solombavambahoaka ihany koa, satria manana tanimbarao amin'ny distrikan'i Morondava, ka mampisa ny rafitra eo ambany fahefany hanaratsiana ny solombavambahoaka sy hampadiana ny samy tantsaha. Koa mitaraina sy manao antso avo amin'ny fitondra foibe ny solombavambahoaka ny mba handraisana andraikitra haingana mahakasika ny fitantanana an'i Dabara, satria efa misy ny volavolam-panavaozana ny rafi-fitantanana, izay natolotry ny minisiteran'ny fambolena sy fiompiana ny hanavaozana ny fom-

ba fitantanana ary tokony hisy ny fampahafantarana ireo tompon'andraikitra ao anatin'ny distrikan'i Mahabo rehefa misy fidinan'ny tompon'andraikitra avy ao Morondava ao Dabara, fa ny solombavambahoaka dia tsy manana tanimbarao fa ny feon'ny vaoaka izay nididy azy no entiny, satria efa mitaraina ireo vaoaka mahakasika ny ataon'ny mpiton-dra avy ao Morondava izay manao didy jadona amin'ny fizarana ny ranon'i Dabara ary miantso ireo tompon'andraikitra ara-pinoana ihany koa ramatoa solombavambahoaka voafidy tao Mahabo, mba tsy hitanila sy tsy ham-

piady ny samy vahoaka izy ireo ary hatsahatra koa ny fanaratsiana ny solombavambahoaka izay manao ny asa mitondra ny hetahetam-bahoaka, izay lasa mivadika ho fankahalana azy, satria noho izy mitondra ny hetahetam-bahoaka dia maro ny tsindry izay mahazo azy sy ny ankohonany. Tsara ho marihina fa vehivavy mijoro sy mandray ny andraikitra izay nomen'ny vaoaka azy raha ny solombavambahoaka voafidy tao Mahabo ary sahy miady ny tombontsoan'ny vaoaka izay nome fahefana azy na dia lehilahy daholo aza ireo

mpitondra avy ao Morondava, izay miezaka mifehy ny fizarana ny ranon'i Dabara. Miantso ny prefet an'i Morondava ihany koa izy mba hisian'ny fifanatona sy ny fifampiresana eo amin'ny ben'ny tanana izay voafidy ao amin'ny distrikan'i Mahabo sy Morondava ary ny solombavambahoaka roa tonta, hametrahana ny fizarana rano (tour d'eau) tsy mitanila sy eken'ny rehetra, satria dia tsapa sy hita fa tsy ampy intsony ny rano, ka ny tour d'eau ihany no vaoaolana hatreto.

**Rajepa**

# Mpiandry raharaha

PHARMACIES DE GARDE  
09/07/2022 hatramin'ny  
16/07/2022

- MAEVASOA (Enceinte immeuble Castello Anosizato) 034 39 186 69
- ANKAZOTOKANA (à 600m Jumbo score vers Ambanidra) 020 22 354 42
- RAZAFIMANDRANTO (Analakely en face esplanade pavillons) 020 22 234 04
- FANOMEZANTSOA (Ambondrona) 020 22 286 85
- ANKAZOMANGA (Ankazomanga) 020 23 302 68/032 12 714 17/034 12 714 17

HJRA (urgences) :  
033 11 890 58 /  
22 279 79

HOMI Soavinandriana :  
22 397 51

Hopitaly Befelatanana :  
22 223 84 / 22 6 N72 21

Hopitaly  
Loteraña Ambohibao :  
22 441 88 / 22 485 17

Clinique des Soeurs  
Ankadifotsy : 22 235 54

Ambulances municipales :  
22 200 40  
Jirama:  
Telma : (22)3547 (n° vert) /  
Airtel : 033 35 47 /  
Orange : 032 32 354

Pompiers :  
Tél : 118/ 22 250 18/  
22 225 66

Police :  
Hôtel Central de Police :  
17 / 22 227 35 / 22 357 09

1° Arrondissement  
Tsaralala : 22 280 54  
2° Ambanidra : 22 309 46  
3° Antaninandro : 22 291 30  
4° Isotry : 22 280 51  
5° Mahamasina : 22 280 48  
6° Ambohimanarina :  
22 225 52  
7° 67 Ha : 22 291 29  
8° Analahitsy : 22 493 25  
Brigade criminelle :  
22 216 78 / 22 210 29 /  
22 674 83 na 84

GIR : 22 227 35

Gazetim-baovao miseho  
intelo  
isan-kerinandro  
Vidiny: 300 Ar  
Adiresy: lot T 70 Ankadindrantombo

TALEN'NY FAMOAHANA :  
Rahelisoa A.  
034 79 07600

MPANAO GAZETY  
Politika:  
Isambilo: 033 24 783 65  
Rajo: 033 80 022 53  
Andry Tsialavona 032 07 744 55

Toe-karena :  
Aly : 033 18 382 88

Kolontsaina:  
Aris: 034 17 460 53  
Beharo : 032 02 557 89

Fanatanjahantena:  
Lita: 033 41 557 69

Mailaka:  
gvalosoa@yahoo.com  
NATONTAN'NY  
Imprimerie de la RN7

Fametrahana 1318-07-2022  
Isan'ny natonta: 10 000

Tsy azo adika, na alain-tahaka,  
na antsantsa amparahibemaso  
raha tsy ahsaona alalana vita  
soratanana avy amin'ny  
tompony

## ANGÔVO

# Niakatra 44% eo ny gazoala sy ny lasantsy



**N**iakatra 44% eo ny gazoala sy ny lasantsy eto amintsika omaly, vokatr'i zany, efa nampiakatra ny saran-dalany sahadys ireo mpititra, sasany. Nanonga 1500 Ar ny vidin'ny gazoala, lassa 4900 Ar ny litatratra raha 3400 Ar ny litatratra teo aloha. Nisonga 1800 Ar ny litatratra ny lasantsy, noho izany, lassa 5900 Ar ny litatratra ny lasantsy amin'izao fotoana raha 4100 Ar ny vidin'ny lasantsy izay teo aloha. Tena henjana tokoa ilay fiakarana raha ny nandrais'an'ny mpampiasa solika azy omaly, tsy na-nampo izay fiakarana be izay teny amin'ny toby mpitsinjara solika. Vokatr'i zany, tsy vitsy sahadys ireo mpitititra, indrindra ny zotra rejônalny sy nasiônalny no efa nampiakatra sahadys ny saran-dalany. Ny tany amin'ny fari-tra sarasany, nisy ireo mpitititra nitokona, toy ny tany Ihosy faritra Diana,... Ny teto an-drenivohitra, mbo-la nifampidinika ny mpitititra sy ny ministera tompon'andraikitra, fa ny azo

antoka dia hiakatra koa izay saram-pitateran'ny taksibe eto Antananarivo sy ny manodidina izay. Hanao randra-mitarika izany amin'ny fiakaran'ny vidin-javatra maro samy hafa, ka ny vahoaka madinika ihany no hianjian-dian'izay fiakaran'ny vidin-tsoliaka izay. Raha ny fanambarana nataon'ny fitondrana momba ity fiakarana vidina solika ity : "Ho tohin'ny fakan-kevitra marolafy nia-rahana tamin'ny sehatra tsy miankina, sy ny fiarhamonimpirenenena, ary ireo vondron'ny mpiaro ny zon'ny mpanjifa, dia no-tanterahina ny alahady 10 jolay 2022, tao amin'ny Lapam-panjakana lavo-loha, ny fihaonana niarahany Fitondrampanjakana sy ny Vondron'ny mpandrahaharan'ny solika eto Madagasikara – favoriana izay nifarana tamin'ny 1 ora maraina. Niady mafy hono ny Fitondrampanjakana ho fit-


sinjovana ny tombontsoan'ny vahoaka ary ni-masoana ny tsy hampiakatra be loatra ny vidin'ny solika izay tsy azo ihodivirana noho ny fiarakarana sy fidangan'ny vidin-tsoliaka manerantany. Tapaka tamin'izany ary fa raha tsy tokony hioatra ny 6.000 Ariary ny litatry ny solika dia noferana ho 4.900 Ariary ny Gasoil, ary 5.900 Ariary ny Super Carburant. Mba ho fitsinjovana ireo tokantrano maro an'isa kosa – indrindra ny tontolo ambanivo-hitra – izay mampiasa ny solika fandrehitra, dia no-ferana ho 2.430 Ariary raha toa ka tokony hioatra ny 4.100 Ariary ny litatrizany."

Marihina fa hatramin'izay, teo amin'ny 500 Ar teo foana ny fisondrotry ny vidin'ny solika ny iray litatra, izao anefa, avo telo heny izany: 1500 Ar sy 1800 Ar. Rah any solika fandrehitra indray, efa tsy dia mampiasa izany intsony ny eny amin' ny tontolo ambanivo-hitra fa efa mampiasa jiro mandeha amin'ny angôvo avy amin'ny masoandro izy ireo.

**Isambilo**

## BEHARO

# Teny tondro (Ny Valosoa Vaovao) N° 399



Misy ny teny Malagasy ofisialy sy ny tenim-paritra

Ohatra : Valy = Vady

**BL** = Bory Loha

**BR** = Bory Rambo

**MIV** = Mivadika

**MIK** = Mikorontana

**Valiny Teny Tondro (0398)**

### Mitsivalana

- Ny – Nao (miv)
- Sambatra
- Ena – Iray
- Namana
- Doany – Vy

### Mitsangana

- - Sendika
- Goaika
- Vita (miv)
- Soava(ly)

### Mitsivalana

- Ainy
- Tra – Lio (miv)
- Ra – Vaky
- Aizina


### Mitsangana

- 1. Makorelina 2. Mora (miv) - No - OM
- 3. Nirehitra 4. Ronono (miv) 5. Dina - Ray 6. Tay (miv) - If 7. Androany 8. Nay (miv) - Totoy (miv) 9. Niandry - Ti (miv) 10. (Z)at(o) - Riaka
- A. Manodidina B. (V)ary - Ia - Tia (miv)
- D. Korontana E. Omena - RN (miv)
- F. OH (miv) - Adidy G. Enina - Rora
- H. Loto - Potik(a) I. RRR - Ao J. Noa - (M)ainty K. Ma (miv) - Nify - Tv

Tsenaben'ny fizahantany

## Manomboka miroborobo ny fizahantany anatiny

Tontosa ny faran'ny herinandro lasa teo ny tsenaben'ny fizahantany andiany faha-6, izay notontosaina tetsy amin'ny Garan'i Soarano. Nisongadina nandritra izany, fa manomboka miroborobo ny fizahantany anatiny eto amintsika, miezaka ny amin'izany ireo mpi-sehatra, noho ny tsy mbola tena fiverenan'ny mpizahatany avy any ivelany. Nosy-Be faritra Diana, no toerana mahasarika be indrindra ny mpizahatany malagasy. Mahatratra 19% izany, raha ny taha nambaran'ny filohan'ny Filankevime-pitantanana ao amin'ny Ofisy nasionalin'ny Fizahantany (ONTM), Ramam-pionona Jonah. Mahatratra ny 16% kosa, no liana amin'i Toamasina sy Foulpointe ary manaraka izany Mahajanga, raha resaka fivahinianana. Ny mianat-simo, mandalo amin'ny lalam-pirenena fahafito iny kosa no mahasarika ireo tia miaina dia miavaka sy mafimafy. Ny fisian'ny Tsenaben'ny Fizahantany, hatramin'ny andiany voalohany, no nahafahana nahazo ireo tahan'isa ireo. Antony hanohizana hatrany ny hetsika, ho fampiroboroboana ny fizahantany anatiny. Natao indrindra ny tsenaben'ny fizahantany, mba hanafahana mamantatra ny hetaheta sy ny filan'ny mpizahatany malagasy, hisarihana azy hanjifa amin'ity seha-pihariana ity.



Tsenaben'ny Fizahantany, tetsy amin'ny Gara Soarano.

## TENY MIFANAPAKA

N° 399

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

### Mitsivalana

- 1. Valamparhy hoy ny Mpanjaka 2. Biby fiompinao 3. Zanatsoratra tsy misy lohany – Matanjaka 4. Tsy mora vidy (BR) – Nodimandry, niamboho 5. Biby mpiady 6. Sakafon-jaza 7. Lavitra hita maso – Kilalao misy vola (miv) 8. Tsy lavitra – Tanana (miv) 9. Lakroa – Ao amin'ny sira – Kianteny 10. Nisintaka – Matoanteny

### Mitsangana

- A. Olon-droa – Tsofoka B. Ao amin'ny Baiboly (miv) – Kitapofifonosana D. Matetika ao amin'ny Ekar – Ketrona, valona E. Maneho fotoana – Hoho tapaka – Mena lalandava (miv) F. Fomba rehefa misy maty G. Lavitra tsy hita maso – Asio, ataovy, men na manga H. Mampisafidy – Fitsaboana ihany koa I. Mpanondro – Misy ny mpitari-dâlana (miv) J. Taova – Tovona K. Miaraka amin'ny aroa – Tsy tsarana


## Valiny Teny mifanaraka 0398

### Mitsivalana

- 1. Makorelina 2. Mora (miv) - No - OM
- 3. Nirehitra 4. Ronono (miv) 5. Dina - Ray 6. Tay (miv) - If 7. Androany 8. Nay (miv) - Totoy (miv) 9. Niandry - Ti (miv) 10. (Z)at(o) - Riaka

### Mitsangana

- A. Manodidina B. (V)ary - Ia - Tia (miv)
- D. Korontana E. Omena - RN (miv)
- F. OH (miv) - Adidy G. Enina - Rora
- H. Loto - Potik(a) I. RRR - Ao J. Noa - (M)ainty K. Ma (miv) - Nify - Tv



## NY TENY FIANANA

"Ary aoka ny faharetana hisy asa tanteraka, mba ho tanteraka sy tonga ohatra hianareo,  
ka tsy hisy tsy ampy na inona na inona."

Jakoba 1:4

## BASKET CRITÉRIUM U12, 2022

## A2BC Amoron'i Mania sy Lucadro Analamanga no tompondaka

Nifarana tamin'ny alahady 10 jolay 2022 teny amin'ny kianjan'Ankatso, ny fifaninanana « Basket Critérium U 12 » sokajy zazalahy sy zazavavy. Tafavoaka ho tompondaka ny ekipa zazavavin'ny Lucadro Analamanga, sy ny ekipa zazalahin'ny A2bc Amoron'i Mania, rehefa samy nandresy avy ny ASSM Analamanga (47-38) sy ny Ascut Atsinanana (40-27), teo amin'ireo lalao famaranana. Vokatra fenon'ity fifaninanana ity : -Skills Challenge Filles : Mlle Léa Club ESCO Amoron'i Mania, -Skills Chellenge Garçons



Criterium basket teny Ankatso.

: Mr Mathis Club AKBB Analamanga,  
-Coupe de Coeur Fille : Falihery N°23 ASSM Analamanga,  
-Coupe de Coeur Garçons : Charles N°37 ASCUT Atsinanana,  
-Homme du Match Fille : Ramarohaina N°7 Luca-

dro Analamanga,  
-Homme du Match Garçons : Randriafintatsoa Mahery N°1 A2BC Amoron'i Mania,  
-Faire Play Fille: BCMM Analamanga,  
-Faire Play Garçons: SBC Vakinankaratra.  
-4ème Place Filles : SAC

Analamanga,  
-3ème Place Filles : Ascut Atsinanana,  
« Score Ascut 39 # SAC 32 »  
-Vice Championne : ASSM Analamanga,  
-Championne : Lucadro Analamanga,  
-Score Finale : ASSM 38 - LUCADRO 47.  
-4ème Place Garçons : JBM Menabe,  
-3ème Place Garçons : ALSI Amoron'i Mania,  
« Score ALSI 42 # JBM 39 »  
-Vice Champion : Ascut Atsinanana,  
- Champion : A2BC Amoron'i Mania,  
-Score Finale A2BC 40 # 27 Ascut.

Rainilita

## Lalaon'ny Nosy 2023

## Nifarana ny fifaninanana sary famantarana

**CONCOURS LOGO ET MASCOTTE  
DES JEUX DES ILES DE L'OCEAN INDIEN 2023  
(JIOI 2023)**

Date d'ouverture : 10 juin 2022  
Date de clôture : 09 juillet 2022

InfoLine : +261 34 05 830 59  
+261 34 49 473 79



Fifaninanana Logo JIOI 2023.

dalàna.  
Maimaimpoana ny fandraisana anjara tamin'ity fifaninanana ity.  
Ny logo dia tsy maintsy maneho ny maha manokana an'i Madagasikara: zava-maniry, zavatra, biby tsy manam-paharoa. Tsy maintsy manentana ny fanahy olympika, ny soatoavin'ny fahaizamanao sy ny fifanina-

nana.  
Tsy maintsy ampidirina ao anatin'ny logo ny filazana hoe "JIOI faha-11". Ny logo dia hojerena araka ny :  
- Ny maha-izy azy.  
- Ny kalitaon'hy masonry (sary, loko, endritsoratra). Ny loka voalohany dia seky folo tapitrisa Ariary (Ar 10.000.000). Ny famoronana ny mas-

cotte kosa dia hataeo aorian'ny fanamarinana farany ny logo "Logo JIOI 2023".

Ny mpitsara ny fifaninanana dia ahitana :

- Solontenan'ny COJI 2023 roa.
- Solontenan'ny sekoly ambony momba ny zavakanto sy ny asa tanana eto Madagasikara (EMAP).
- Solontenan'ny Ofisy momba ny fizaka-manana ara-tsaina malagasy (Ompi).
- Solontenan'ny minisiteran'ny Kolontsaina. Hanampy azy ny solontenan'ny Bianco ho mpapara-maso ny Tolo-kevitra rehetra.

Rainilita

## ASIEF 2022

## Raikitra ny fifaninanana rejiônalny any Fianarantsoa

Raikitra ary nanomboka tamin'ny zoma lasa teo ny fifaninanana rejiônalny 2022 ho an'ny Asief (Association sportive interministérielle pour l'entretien des fonctionnaires) any Fianarantsoa faritra Matsiatra Ambony.

Ny fanaovana « Carnaval » lehibe nandraisan'ireo mpandray anjara rehetra ahitana sampandrahara-ham-panjakana miisa 12, hifaninana ao anatin'ireo taranja maromaro, no nambohana an'izany ary ny taranja Baolina kitra teny amin'ny kianjan'Am-

pasambazaha sy ny taranja Basket-ball tao amin'ny Gymnase Couvert » ao Ambatomena no nisantaranana ny fifaninanana.

Teo amin'ny baolina kitra dia nifanandrina ny Jirama sy ny police, ny PAT UF sy ny MEF ary ny DREN sy ny DRAE.

Teo amin'ny basket-ball kosa dia nisy ny lalao nifanandrinar'ny DRICC sy ny DREN, ny DRJS sy ny CUF ary ny MEF sy ny Jirama.

Rainilita



Ekipa Baolina kitra sy basket-ball ny Asief any Fianarantsoa.

## Sakafo Ny Valosoa



Hena baolina omby sy legioma indray, no laoka amin'ny Sakafo eto amin'ny gazetinao androany. Legioma ahitana : karaoty, haricot vert, korzety, ovy, no hafangaro amin'ny hena baolina. Hatao ridritra izany, na hatao ketsaketsa ihany koa. Dia mazotoa homana tomponko.

## NY VALOSOA sy Mahasoa

## Ny soa azo avy amin'ny anamalao



Ny soa azo avy amin'ny anamalao na anamafana indray, no Mahasoa eto amin'ny gazetinao androany.

- Anti- oxidant na miaro amin'ny fahanteran'ny sela izy , anti- inflammatoire na miaro sy mitondra fanafana amin'ny fanaintainana. - Fanafody nify, mampijanona fanaintainana raha marary nify ny anamalao.
- Manala fery anaty vava ireny izy.
- Azo ampiasaina amin'ny hoditra analana fery, vay, mangidihidy amin'ny vatana.
- Tsara hoan'ny olona tsy mipipy, na tsy mamany, fa miangona amin'ny vatany ny rano.

- Tsara ho an'ny olona maina lava ny vava.
- Tsara ho an'ny olona marary vavony.

Tsy azon'ireto olona ireto hanina kosa ny anamalao, olona misy homamiadian'ny prostate , mararin'ny prostate , mihana fanafody mampihena vatana, olona mamo , vehevavy mitondra vohoka.

Tsara atao ro mazava izy, atao amin'ny laoka: trondro , hena , legioma, lasopy, sns...

## NY VALOSOA sy Mahaliana

## Ny tanànan'Ambatomainty any amin'ny distrikan'Amparafaravola faritra Alaotra Mangoro



Tao aorian'ny fampahafantarana ireo tanàna amin'ny kaominina miisa 20 mandrafitra ny distrikan'Ambatondrazaka, any amin'ny faritra Alaotra Mangoro, ireo tanàna amin'ny kaominina miisa 13 mandrafitra ny distrikan'Amparafaravola, any amin'ny faritra Alaotra Mangoro ihany, no ampahafantarina anao indray namomboka eto.

Ny tanànan'Ambatomainty any amin'ny distrikan'Amparafaravola faritra Alaotra Mangoro indray, no Mahaliana eto amin'ny gazetinao androany. Renivohitry ny kaominina Ambatomainty ity tanàna ity, iray amin'ireo kaominina miisa 13 mandrafitra ny distrikan'Amparafaravola. Any afovoany andrefan'ny faritra Alaotra Mangoro no misy azy. Efa azo lazaina ho avo toerana izy, satria 767 m ny haavony mihatra amin'ny ranomasina. Toy ireo kaominina any amin'ny faritra Alaotra Mangoro, vokatra any Ambatomainty ny vary, ny hankotrana isan-karazany toy ny: mangahazo, ny katsaka, ny vomanga. Mpiompy akoho amam-borona koa ny mponina any an-toerana.